

Sancti, pertinet ad formale motivum fidei. Hunc sensum exprimit s. Thomas in explicacione disserimini inter fidem ac infidem, quam superius ex Angelico descripsimus. « Fidelis credit homini non in quantum homo, sed *in quantum Deus in eo loquitur, quod ex certis experimentis colligere potest*, infidelis autem non credit *Deo in homine loquenti* » S. Th. in 3. dist. 23. q. 2. a. 2. sol. 2. ad 3.

CAPUT VI.

DE HABITUDINE INTER FIDEM AC SCIENTIAM.

Generatim omnes haereses quae umquam adversus fidem catholicam excoigitatae sunt, originem et incrementa sumperunt ex perversione subordinationis et genuinae relationis, quam Deus auctor naturae ac gratiae esse voluit inter manifestationem naturalem et revelationem supernaturalem, inter rationem et auctoritatem, inter scientiam et fidem. At nostris temporibus non modo haereticci, sed quidam etiam eruditii inter catholicos statuerunt ac vindicare conati sunt falsum principium plena libertatis in scientiis tractandis, a quo maxime dependere aiebant tum validam fidem defensionem adversus incredulos, tum praesertim humanae disciplinarum omnium ac nominativi philosophiae perfectionem (1). Postulabant nimurum, ut plena libertas et *autonomia* inquisitionis et sententiarum in scientiis independens a quavis auctoritate, nominatinque independens a doctrina fidei admittetur, atque ab Ecclesia ipsa agnoscetur. Hace vero *autonomia* non solum in eo est, quod scientiae humanae suis propriis nitantur principiis rationalibus vel empiricis, diversis a principiis fidei; et quod philosophia non possit progredi nisi ex principiis ratione perspectis « nihilque in se admittere, quod non fuerit ab ipsa suis conditionibus acquisitum aut fuerit ipsi alienum, » quae sane esset « iusta philosophiae libertas » (2); sed id

(1) Günther Lydia 1849. p. 35. 38. 331. sq. 357; Lydia 1851. p. 310; Propaedeut. I. p. 122; Euryst. et Heracles p. 251. etc.

(2) Litter. Apostolic. Pli IX. ad Archiep. Monach. 11. Dec. 1862.

obtinere volebant, ut doctrina fidei neque instar normae haberetur, qua errores cavendi praemonstrarentur, quemadmodum summus Pontifex Pius IX. (litt. 21. Dec. 1863.) edixit, « catholicis naturalium disciplinarum cultoribus divinam revelationem velut rectricem stellam prae oculis habendam esse, qua praelucente sibi a syribus et erroribus caveant. » Unde etiam negabant, in veritatis quea tum fide constant tum ratione demonstrari possunt, revelationem respiciendam esse ita, ut in antecessum debeat esse ratum ac fixum, non posse in scientifica investigatione statui principia vel deduci ac teneri conclusiones, nisi quea cum fide praehabita ac praelucente consentiant, vel illi saltem non adversentur; hanc enim aiebant non seriam sed ludicram fore scientiae tractationem (1). Ex eorum quippe principiis *libertas* est scientiae ita *essentialis*, ut sine ea consistere non posset, et scientia esse desineret; *libertas* inquam *essentialis* est, quea constitutur « in iure sequendi sine ullo impedimento colummodo leges scientiae, ut non aliunde quovis modo limitetur vel circumscribatur » (2). Atque hinc proposito XIV. in Syllabo damnata consequitur: « Philosophia tractanda est, nulla supernaturalis revelationis habita ratione. » Porro facta distinctione inter *philosophum* et *philosophiam* concedebant, pro philosopho posse fortasse oriri ius et officium sese submittendi auctoritati, quam *veram ipse probaverit*; at scientiam nec debere nec poss posse subiici fidei et auctoritati, quoniam ita in ipsa sua essentia et ratione formaliter destrueretur. Non est auctoritatis scientiam etiam errantem corrigere; sed scientia ipsa ex propriis suis principiis errores optime emendare valet (3).

Cum vero iidem philosophi simul negarent, latius patere veritates revelatas quam vim lumenis rationis ad veritatum intelligentiam ac demonstrationem, ex positis eorum prin-

(1) Frohschammer Introd. in philos. p. 307. 314; de Libertate scientiae p. 82. 111. Hic auctor infelix deinceps ad plenam fidei catholicae negationem delapsus est.

(2) Frohschammer de Libert. scient. p. 330.

(3) Cf. Litt. Apostol. 11. Dec. 1862; Syllab. Proposit. X. XI.

cipiis evidenter consequebatur, in tota amplitudine veritatum etiam revelatarum *inquisitionem philosophicam* eo modo, quo dictum est, debere esse autonomam et independentem a praelucente lumine revelationis ita, ut *per se et directe* non revelatio sed solae propriae leges rationis humanae constituant normam investigationis ac scientiae, quamvis revelatio *indirecte* vix suam exserat in ipsam scientiam, quatenus iuvat ac promovet *historicam culturam generis* humani (1). Hoe sensu Propositiones VIII. IX. damnatae sunt in Syllabo. « Quum ratio humana ipsi religioni aequiparetur, idcirco *theologicae disciplinae perinde ac philosophicae tractandae sunt.* » Omnia indiscriminatum dogmata religionis christiana sunt obiectum naturalis scientiae seu philosophiae; et *humana ratio historice tantum exculta potest ex suis naturalibus viribus et principiis ad veram de omnibus etiam reconditionibus dogmatibus scientiam percire*, modo haec dogmata ipsi rationi proposita fuerint. »

In oppositione igitur ad hos errores dupliciter considerabimus rationis humanae ac scientiae subordinationem ad fidem et auctoritatem custodis fidei, ut ea se habet 1°. in scientia mere naturalibus; 2°. in scientia veritatum fidei seu in sacra theologia.

I. *De modo quo fides et auctoritas infallibiliter proponens doctrinam fidei sit, et quo non sit norma respicienda in rationalibus et naturalibus scientiis.*

1. Subordinatio intestina sicut in diversis scientiis inter se mutuo, ita inter scientias ac fidem intelligi nulla potest, nisi quatenus aliquo modo commune habent obiec-

(1) Günther Iani Capita II. p. 272, sq. 412; Euryst. et Heracl. p. 527; Propaudent. I. p. 122, 347, 393, sq.; Lydia 1849. p. 331, sq.; Lydia 1851. p. 310; Thomas a Scrupulis p. 196, 215; Aurora austr. et boreal. p. 134; Pabst Iani Capita I. p. 6; Frohschammer *Introduct. in Philosoph.* p. 277, sqq.

ctum formale vel obiectum materiale (1). Quae enim cognitiones sive scientiae tum ratione formalis, sub qua sum obiectum considerant, tum ipso obiecto cognoscendo nihil haberent commune, illae omnino disparatae essent et absque ulla connexione; neque ergo una alteri subordinata esse posset (2). In scientiis vero quae obiectum formale habent commune ita, ut quae in una intelliguntur aut demonstrantur, altera assumat tamquam principia, quibus innititur, ea est subiectio, ut inferior non suis propriis sed superioris principiis regatur; unde huiusmodi scientiae subalternae a veteribus dicebantur (3).

Hinc factum est, ut recentiores illi qui obiectum formale fidei ac scientiae non rite distinxerunt, alii totam cognitionem rationalem ac scientiam supersensibilium revocaverint ad fidem, de quibus diximus cap. III. §. I.; alii vero, contra quos hoc capite disputamus, fidem ipsam converterint in meram scientiam rationalem. Quoniam utriusque rationem formalem totius nostrae intellectualis cognitionis admittunt, priores illi auctoritatem ac traditionem, hi posteriores veritatem lumini rationis evidentiem et intrinsecus perspectam; hinc prioribus omnis rationalis scientia est subalterna ad fidem, cui tota innititur; posterioribus fides religiosa, quam dicunt, est subalterna ad scientiam, seu potius est pars aliqua philosophiae.

(1) Loquimur de subordinatione *intestina*, quae sit in ratione cognitionis seu scientiae; nam respectu *finis praesertim finis ultimi* subordinatio potest aliunde derivari. De hac subordinatione inferius aliquid dicimus.

(2) Patet hoc modo disparatas esse non posse *scientias* proprie ditas, quae omnes habent communia saltem principia metaphysics, cui propterea merito nomen factum est *philosophiae primae*.

(3) Ita multi veteres theologam seu scientiam fidei in viatoribus dixerint scientiam subalternam ad scientiam Dei et beatorum in patria iuxta doctrinam s. Thomae. « Quaedam sunt scientiae, quae procedunt ex principiis notis luminis superioris scientiae, sicut prospectiva procedit ex principiis notificatis per geometriam, et musica ex principiis per arithmeticam notis. Et hoc modo sacra doctrina est scientia, quia procedit ex principiis notis lumine superioris scientiae, quae scilicet est scientia Dei et beatorum » S. Th. 1. q. 1. a. 2. cf. a. 6. ad 1.

Doctrina catholica nec *talem* subiectionem scientiae ad fidem, eoque minus subiectionem quam isti induxerunt, fidei sub scientiam admittit. Talis enim subordinatio solummodo locum habet, quatenus (ut diximus) utrumque idem est *objecum formale*. At secundum doctrinam catholicam obiectum formale utrumque est diversum. Nec scientia potest esse rationalis aut naturalis philosophia sub ea formalis ratione, qua veritas creditur propter auctoritatem Dei revelantis; nec fides proprie dicta multoque minus fides divina potest esse sub ea formalis ratione, qua veritas intelligitur ex sua' intrinsecus perspecta ratione (supra cap. II.). Nisi igitur in *objecto materiali* sit nexus aliquis inter fidem ac scientiam, solo spectato *objecto formali* scientia naturalis non potest dici intrinsecus subordinata fidei divinae.

Iam vero *materiale obiectum* non quidem adaequate in omnibus, attamen in multis communе habent fides et scientia. Veritates enim a Deo revelatae in triclini diversa habitudine ad humanam rationem referuntur: sunt revelata mysteria, quae nec quoad existentiam (an sint), nec quoad essentiam (quid sint) nisi analogice, etiam revelatione supposita, ex principiis rationis intelligi possunt; sunt revelata dogmata, quorum existentia quidem ex sola revelatione innotescit, essentia tamen (postquam revelata sunt) notionibus propriis intelligitur; sunt denique veritates, quae tum naturali lumine rationis intelligibiles tum supernaturali revelatione credendae proponuntur, atque ideo constituant *obiectum materiale* commune rationis ac fidei, licet sub alia *formal ratione* quatenus intrinsecus intelligibiles ad lumen naturale mentis, et sub alia *formal ratione* quatenus revelatae ad lumen supernaturale fidei referantur. Sicut autem in mysteriis auctoritas Dei revelantis et ipsa natura fidei divinae exigit, ut veritates credantur certissimae, licet ratione' non intelligantur, imo etiamsi rationi occurrant apparentes contradictiones; ita omnino idem valet etiam in veritatibus revelatis, quae per se sunt intelligibiles rationi, si per accidens non intelligantur vel occurrant contradictiones, quae non nisi apparentes esse possunt. Nempe quaecumque sit materia dogmatis, motivum formale fidei sem-

per idem est, auctoritas Dei revelantis; quapropter qui fide divina credit, eo ipso omnia quae dogmati sufficienter proposito contradicere videntur, credit false esse vel simpli citer vel saltem sub ea ratione, qua dogmati opponuntur, de quocumque dogmate sive ad mysteria sive ad veritates per se rationi non impervias pertinentia agatur. Discremen solum est, quod in prioribus ignoratio est ex ipsa natura intellectus humani, atque ideo *negatio* quidem perfectionis superioris non autem *priuatio* perfectionis naturalis; in posterioribus ignorantia est *priuatio*, et est vincibilis sin minus *proxime*, potentia *moralis* et pro *singulis hominibus*, saltem *remote*, potentia *physica*, pro *ratione humana* per se spectata (cf. cap. III. §. III. IV.).

Ex his iam deducitur, quomodo revelatio revelationem que in genuino sensu proponens ac declarans auctoritas Ecclesiae et fides divina non sit, et quo sensu sit norma ac « stella directrix » respicienda in scientiis mere naturalibus.

2. Ecclesia pro suo munere infallibiliter custodiendi integrum depositum fidei, de iis quae in scientiis humanis traduntur, non iudicat nisi ex principiis revelatis, quatenus illa cum doctrina fidei ac christiana morum disciplina congruent aut eidem adversantur. Vicissim scientia mere rationalis ac philosophica non potest progredi ex principiis, quatenus fide creduntur, sed unice ex principiis rationalibus, quatenus lumine rationis intelliguntur; nec potest quidquam admittere velut obiectum sibi proprium, « quod non fuerit ab ipse suis rationibus acquisitum. » Adeoque revelatio et revelationem proponens Ecclesia theologiae quidem non autem philosophiae suppediat principia, ut his *fidei creditis* immitatur; hoc enim ipsum essentiali est discrimen inter philosophiam ac theologiam fidei. Cf. S. Th. I. q. 1. a. 1. ad 2. Quoniam nempe *objecum formale* fidei ac scientia mere rationalis diversum est, illuc revelatio supernaturalis per verbum Dei, hic manifestatio naturalis per veritatem intrinsecus perspectam; propterea sensu declarato revelatio et fides non potest esse principium ac norma positiva ad scientiam rationalem ac philosophicam.

« Naturales illae disciplinae suis propriis ratione cognitis principiis nituntur » S. P. Pius IX. (litt. 21. Dec. 1863.); « nec sane ipsa (Ecclesia) vetat, ne huiusmodi disciplinae in suo quaeque ambitu propriis utantur principiis et propria methodo » (Conc. Vatican. Const. de Fide cap. 4.)

3. At si spectentur veritates, quae revelatae sunt et constituant *materiale obiectum fidei*, et cum his comparantur sententiae ac opiniones, quae in disciplinis humanis ex fontibus ac praesibus naturalibus statuuntur; evidens est posse fieri, et luctuosa experientia ostendit saepe fieri, ut vel tamquam principia assumantur vel tamquam conclusiones deducantur, quae doctrinis fidei eo sensu, quo ab Ecclesia catholica intelliguntur ac proponuntur, directe vel indirecte repugnant. Ratio humana in iis quidem, in quibus veritatis *evidentia vel vera certitudo ei illucescit*, numquam fallitur, nec in actu evidentiae et verae certitudinis potest falli (cap. I. §. II.), atque adeo in his numquam potest esse realis oppositio contra veritatem revelatam; Deus enim, auctor luminis rationis creati et ordinati ad verum cognoscendum et infinite verax revelator veritatum per verbum suum, non potest sibi ipsi contradicere, nec verum vero potest repugnare (1). At plurima sunt cognoscibilia, quae pro lumine humanae rationis limitato ac infirmito evidenter et vere certa vel actu non sunt vel etiam fieri non possunt, et de quibus homo nihilominus saepe praesumit indicare, ac si eorum manifestatio esset plena et adaequata. Saepe enim quod certo verum cognoscitur sub una ratione, indicatur verum sub rationibus aliis, sub quibus nec certo cognoscitur nec verum est; vel quod est verum hypotheticum, indicatur verum absolute; vel ex rationibus apparentibus assumuntur falsum pro vero, quia comparatio cum rationibus oppositis vel non instituitur vel

(1) « Ea quea naturaliter rationi sunt insita, verissima esse constat, in tantum ut nec ea esse falsa sit possibile cogitare, nec id quod fidei tenetur, cum tam evidenter divinitus confirmatum sit, fas est credere esse falsum. Quia igitur solum falsum vero contrarium est... impossibile est illis principiis quae ratio naturaliter cognoscit, praedictam veritatem fidei contrariam esse » S. Th. cont. gent. I. c. 7.

aliquando etiam institui non potest. Hinc fit, ut in omnibus fere scientiis sicut generatim quandoque falsum pro vero assumi (1), ita etiam sententiae vero revelato oppositae statui possint.

Res est per se clara, si de scientiis contemplativis agitur quae Deum et spiritum, operationes Dei creaturarumque relationes ad Deum ac inter se, doctrinam prouinde religiosam et moralem pro obiecto habent; haec enim omnia, etiam quatenus lumine rationis investigari possunt, simul continent in revelatione supernaturali (cap. III. §. III.). Verum cum facta plurima quae latiori nominis significatio possumus dicere *historica*, verbo Dei vel *per se* vel *per accidens* revelata continetur (cf. Tract. de Scriptura th. XIX.), imo cum revelatio ipsa tota factum sit historicum et magnam partem facti historicis componatur; inde scientias etiam *historicas*, et quae his accenserit possunt (archaeologia, ethnographia, geologia) (2), non infrequenter obiecto concurrunt cum doctrina revelata. Universim nemo negare potest, quod Güntherus fatetur (Symposion Peregrini p. 365), « nullam scientiam esse absolute ab aliis

(1) Excepit solum possunt scientiae, quae totae ideis simplicissimis et propter eiusdem evidentiis constant, ut est mathematicae; quamdiu nempe illae intra suum proprium obiectum sese continent.

(2) Inter multa exempla quae adferri possent, memoro illud notissimum. Homines erudit sed increduli ad finem elapsi et initio huius saeculi gloriantur, narrationem bibliac de diluvio se falsam demonstrasse ex zodiaca Aegypti (Tentyrense et Latopolitan, Denderah et Esne). Ex positione enim signorum astronomicorum in illis monumentis constare aiebant, templo illa fuisse aedificata saltem ter mille annis ante Christum. At mox cum temeraris affirmationibus diligentius examen successisset, ex aedificatione structura, ex sculpturis et picturis, ex inscriptionibus graecis et hieroglyphicis manifestum erat, templum Latopolitanum sub Antonino Flio sace. II. post Christum, zodiacum Tentyrensem pariter sub aliquo ex Imperatoribus Romanis (AYTOKPATQF) constructum fuisse. Vide Letronne Recherches pour servir à l'histoire de l'Egypte (p. XXVIII. 449); Champollion Système hiéroglyphique (p. 64). Sors simillima, ubi scientia ex statu infantiae paulum proficerit, sine dubio manet plurimas hypotheses praehistoricas, quas nonnulli ex levibus conjecturis iacent, doctiores autem et prudentiores iam nunc aut rident aut incertas esse fatentur.

omnibus separata , et propter hunc nexus organicum in unaquaque disciplina posse occurrere oppositionem contra obiectum theologiae . »

Huiusmodi igitur sententiae non solum philosophice falsae, sed etiam errores sunt *theologici*, atque ex principiis revelatis quibus opponuntur, iudicari possunt, et vero a custodibus depositi pro suo munere divinitus inuncto indicari ac proscribi debent. Quo quidem in munere custodiae et in definitionibus ad illud pertinentibus magisterium Ecclesiae infallibile esse a nemine catholico negari potest, ut in toto Tractatu de Traditione satis demonstratum est, sive magisterium illud spectetur in corpore docentis Ecclesiae sive in solo capite ac centro unitatis fidei, Pontifice Romano.

4. Scopus quidem altior praefixus est revelationi et Ecclesiae custodi atque interpreti revelationis, quam humanarum disciplinarum doctrina; veruntamen Apostoli eorumque in munere infallibiliter docendi successores usque ad consummationem saeculi sicut acceperunt « apostolatum ad obedientiam fidei in cunctis gentibus » (Rom. I. 5.), ita in ipsa hac fidei praedicatione habent « arma militiae non carnalia... consilia destruentia et omnem altitudinem extollentem se adversus scientiam Dei, et in captivitatem redientes omnem intellectum in obsequium Christi » (1) 2. Cor. X. 4. 5. Eodem apostolatum munere confirmant fideles, ne « decipiantur in sublimitate sermonum, per philosophiam et inanem fallaciam secundum traditionem hominum » Col. II. 4. 8., et proscrubunt « falsi nominis scientiam, quam quidam promittentes circa fidem exciderunt » 1. Tim. VI. 20. 21.

Sane sententiae repugnantes veritatibus a Deo revelatis non ideo desinunt esse errores contra fidem, sed imo eo maius periculum creant, quod forma scientifica producentur. Hinc principium ipsum iam a Concilio oecumenico Lateranensi V. damnatum est tamquam haereticum. Neo-

(1) Λογισμούς καθαρουντες και παν ὑφέμα ἐπιφρομένον κατα της γνωστος του Θεου, και σύγχρονοντες παν νόημα ιις την ὑπάκουη του Χριστού. Singula verba λογισμος (ratiocinia), ὑφέμα κατα της γνωστος του Θεου, νόημα indicant falsi nominis scientiam; haec per doctrinam revelatam vincenda est, et intellectus subiiciendus fidei ab Apostolis annuntiatae.

peripatetici saeculo XV. et XVI. philosophiam autonomam dividebant a theologia ita, ut leges secundum quas de vero indicandum sit in philosophia, possint esse oppositae legibus, secundum quas verum credendum sit in theologia. Quae igitur secundum leges philosophicas deducuntur, ea dicebant habenda esse *philosophice vera*, licet secundum leges alterius plane ordinis, quibus theologia regatur, non vera sed *theologicice falsa* sint habenda. Sic siebant, secundum *philosophiam* esse unam numero animam rationalem (intellectum agentem), animas vero humanas distinctas in singulis hominibus esse mortales; atque huiusmodi conclusiones postulabant, ut impune tradere licet velut consequentes ex principiis philosophicis. Si demas absurdam compositionem veri et falsi, quae non nisi per simulationem umquam induci potuit, ut recentius a Petro Bayle (Dictiōn. T. IV. Eclaircissement II. et III.) factum est, in ceteris omnino idem statuit, cum nostris temporibus assertum est: « philosophiam tractandam esse nulla supernaturalis revelationis habita ratione. » Hoc itaque principium in Concilio Lateranensi (Constit. Apostolici regimini) praedannatum censeri debet. « Cum verum vero minime contradicat, omnem assertionem veritati illuminatae fidei contrariam omnino falsam esse definitum; et ut aliter dogmatizare non licet, districtius inhibemus; omnesque huiusmodi erroris assertionibus inhaerentes velut damnatissimas haereses semi- nantes... vitandos et puniendos fore decrevimus » (Hard. IX. p. 1719.).

Distinctissime errores de relatione inter fidem ac rationem damnati sunt in *Syllabo* iussu summi Pontificis edito, ac demum ab oecumenico Concilio Vaticano (Constit. de Fide cap. 4.).

5. Iam etiam constat, quid de essentiali illa libertate sentiendum sit, sine qua scientiam consistere non posse dicunt. Ex dictis subordinatio rationis et scientiae ad autoritatem et fidem non in eo est posita, ut philosophia ac scientia profana suas leges, sua principia, suas conclusiones suscipiat a fide et per fidem. Hoc qui generatim de cognitione humana affirmant, ii sane tum ipsius fidei funda-

menta labefactant, tum universim certitudine sublata in scepticismus deferuntur (cap. III. §. I.). Multo etiam minus subordinatio est huiusmodi, ut quod rationis lumine evidenter aut proprie dicta certitudine cognoscitur verum, haberi umquam debeat falsum, quia contrarium fides doceat. Qui ita loquuntur, statuant seu potius simulate obtendunt hypotheses absurdam Neoperipateticorum in Concilio Lateranensi damnatam, qua dicitur verum in philosophia posse esse falsum in theologia. « Etsi enim fides sit supra rationem, nulla tamen vera dissensio nullumque dissidium inter ipsas inveniri umquam potest, cum ambae ab uno eodemque immutabilis aeternae veritatis fonte Deo Optimo Maximo oriantur » (S. P. Pius IX. Encyclic. 9. Nov. 1846.). His itaque sepositis subiectio rationis ac scientiae tota revocatur ad illud, quod verbum a Deo revelatum et ab Ecclesia (sive ordinaria praedicatione sive formalí definitione) propositum tum ratione Dei revelantis tum ratione Ecclesiae proponentis infallibiliter verum est, et incommutabili fide credendum *aestinative super omnia* (cap. IV. §. IV. coroll. 2.); hoc igitur ipso eadem infallibilitate falsum est et eadem certitudine habendum ut falsum, ac proinde non de monstratum secundum genuinas leges cuiusvis scientiae, nec demonstrabile nec probabile, quidquid veritati ita propositae et credendae re ipsa et non solum apparerent contradicat (I).

Antevertens haec certitudo fidei *scientiam veri*, quae utique sola nomen *scientiae* meretur, non tantum non destruit aut impedit, sed etiam magnopere iuvat ac promovet.

a) Quae in revelatione continentur per se quidem etiam lumine rationis cognoscibilia, attamen magnis quandoque

(1) « Aliarum scientiarum principia vel sunt per se nota et probari non possunt, vel per aliquam rationem naturalem probantur in aliqua alia scientia. Propria autem huius scientiae (sacrae doctrinae) cognitio est, quae est per revelationem, non autem, quae est per naturalem rationem. Et ideo non pertinet ad eam probare principia aliарum scientiarum (propter diversum *objecum formale*), sed solum indicare de eis (secundum communе *objecum materiale*). Quidquid enim in aliis scientiis inventur veritati huius scientiae repugnans, totum condemnatur ut falsum » S. Th. 1. q. 1. a. 6. ad 2. (cf. Tract. de Tradit. p. 125. sq.).

impedita difficultatibus (cap. III. §. III.), ea per fidem prae monstrantur infallibiliter vera; unde fit, ut ratio ex suis principiis eadem facilius et securius intelligere ac demonstrare valeat. Quae autem revelatae veritati opponuntur, ea etiam si quandoque magnum speciem veritatis praeserferre videantur, per fidem praeognoscuntur (ut revera sunt) falsa, hoque ipso ratio tum praeunxit ab errore, licet forte nondum intelligat, cur et quomodo sit error, tum iuvatur ut lumine proprio expeditius et profundius intelligat veritatem in directa oppositione contra errorem. « Quidquid autem de quibuslibet suis voluminibus his nostris litteris, id est catholicae fidei contrarium protulerint, aut aliqua etiam facultate ostendamus, aut nulla dubitatione credamus esse falsissimum » August. de Gen. ad litt. 1. I. n. 41. Unde in Concilio Lateranensi Constit. cit. mandatur philosophiae magistris, « ut cum philosophorum principia aut conclusiones in quibus a recta fide deviare noscuntur, auditoribus suis legerint aut explanaverint, teneantur... omni studio huiusmodi philosophorum argumenta, cum omnia solubilia existant, pro viribus excludere atque resolvere. » Cf. S. Th. 1. q. 1. a. 8; in Boëth. Trin. prooem. q. 2. a. 3.

b) Per revelationem et fidem veritatum superrationalium non minus praeunxit ratio contra errores in scientiis etiam mere naturalibus et rationalibus; quae enim veritati licet superrationali repugnant, ea necessario simpli citer falsa sunt, neque profecto *philosophice verum* esse potest, quod *theologicum falsum* est. Deinde etiam positive huiusmodi veritatum cognitio per fidem non solum mentem humanam altiori in ordine illustrat et perficit (cap. III. §. III. coroll. 2.), de qua theologica scientia nunc non loquimur; sed etiam plurimum iuvat ad ampliorem ac profundiores scientiarum veritatum rationalium. Sicut enim in ordine ontologico gratiae dona quae sunt supra naturam, hanc non destruunt sed evehunt et nobilitant; ita in ordine logico veritates superrationales non sunt omnino disparatae a rationalibus, sed cum his multiplici analogia cohaerent; atque ideo quod per fidem cognoscimus verum in superrationalibus, deducit nos ad profundiores penetra-

tionem veri in analogis rationalibus. Ita notiones per se rationales naturae et hypostaseos, generationis, sacrificii, extensionis corporum, sensibilium phaenomenorum ex relativis veritatibus multipliciter expoliri posse ac debere, saepe vidimus in Tractatibus de Trinitate, Incarnatione, Eucharistia.

Hoc quo diximus sensu (praeter efficaciam in voluntates ac mores hominum), revelatio supernaturalis intellectualiter iuvat et promovet ipsas scientias naturales ac rationales; hocque sensu verum est, rationem humanam historice *excluditam* per revelationem, proficere in scientiis etiam humanis, et omnino recte *philosophia christiana* comparatur ac multis modis praecellere ostenditur *philosophiae paganae*, nisi forte rectius haec comparatio institueretur inter *philosophiam christianorum* et *philosophiam paganorum* (1). Illud autem dictum, quo aliqui nimium delectantur, alii nimium offenduntur, *philosophiam nec christianam esse nec paganam sed tantum rationalem*, verum quidem est, si spectetur formalis obiectum et principium philosophiae; sed quoad priorem sui partem verum non est, si spectentur omnia adiumenta quae tum materialiter ac remote per mentis culturam formaliter et proxime conferunt ad veram philosophiam. Sic enim omnino datur *philosophia christiana*, non in oppositione ad *philosophiam rationalem*, sed quae ipsam perfectiori modo *rationalis* est.

6. Ex dictis omnibus aestimari potest, quid valeat illa a quibusdam recentioribus inducta distinctio inter *philosophiam*, quae numquam possit subiici fidei vel auctoritati Ecclesiae, et inter *philosophum singularem*, a qui fortasse possit etiam suae convictioni imperare eamque subdere ex-

(1) Valor huius comparationis etiam plenus percipitur, si respi-
ciamus *philosophiam neopaganorum* (baptizatorum et non baptizato-
rum), qui abicit et concelebat omnibus principiis christianis, hoc ipso
etiam concelebrant principia rationis, ac suam *philosophiam*, quam di-
cunt, reddiderant quanto strictius legie consequentem, tanto absurdius
ex absurdis principiis metaphysicis irrationalem, atque (ut ipsimet fa-
tentur) contraria intellexi et rationi communis (dem *gemeinen Ver-
stande* widersprechend); quae utique (ut dixit s. Thomas) non sunt
philosophia, sed *philosophiae abusus*.

ternae auctoritati (Frohschammer *Introduct. in phil.* p. 272.).

a) Si *philosophia accipitur obiective*, ut est (metaphy-
sice) summa mutuusque nexus veritatum rationalium, et (dialecticē) complexus legum quibus scientia regitur; hoc
sensu in philosophia est *mera veritas* quamvis non *tota ve-
ritas*, atque ideo nulla ibi potest esse oppositio contra veri-
tatem et auctoritatem fidei revelatae. a Sicut sacra doctrina
fundatur super lumen fidei, ita philosophia super lumen
naturale rationis. Unde impossibile est, quod ea quae sunt
philosophiae, sint contraria iis, quae sunt fidei; sed deficient
ab eis, continent tamen quasdam similitudines eorum (su-
per rationalium) et quaedam ad ea praecambula, sicut natura
præambula est ad gratiam. Si quid autem in dictis philo-
sophorum inveniatur contrarium fidei, hoc non est philo-
sophiae sed magis philosophiae abusus ex defectu rationis
S. Th. in Boeth. Trin. prooem. q. 2. a. 3. (Cf. S. P. Pii IX.
Encycl. 9. Nov. 1846. Tract. de Tradit. p. 125. sqq.).

b) Si *philosophia sumitur subiective*, ut mente humana
investigatur, acquiritur, tenetur; hoc sensu non solum omnes
veritates superrationales ab ambitu philosophiae excludun-
tur, quod ad priorem iam significationem philosophiae *obiec-
tive* ac per se spectatae pertinet; sed in primis ad multas
veritates per se rationales philosophia seu scientia philo-
sophica vel omnino non pertinet, vel eas assequetur im-
perfecte, modo incerto et solum probabili ex imperfectione
rationis humanae. Ex eadem deinde causa, ut superius (n. 3.)
declaratum est, accidere potest et frequenter accidit, ut hu-
mana ratio sibi permissa errando suscipiat tamquam prin-
cipia vel tamquam conclusiones scientiae, quae revera talia
non sunt; sed sunt errores contrarii infallibili veritati re-
velatae, prouindeque etiam contrarii veritati scientiae. Unde
quoniam supposita fide secundum ipsam rationem et *obiectivam*
philosophiam evidens sit officium gravissimum vitandi hu-
iusmodi errores, hoc ipso iam fides et infallibilis auctoritas
custodum depositi constituitur norma dirigens prae oculis
habenda eo modo, quo dictum est. Non igitur solum singu-
laris philosophus, quatenus Christianus est et manere velit,

potest fortasse (ut aiunt) *se subiicere auctoritati fidei; sed ex infallibilis fidei et auctoritatis atque ex fallibilis rationis et ingenii humani natura consequitur, atque adeo in ipsa obiectiva philosophia continetur lex et officium subordinationis pro rationali inquisitione veritatis et pro scientiis, ut excoluntur a fidelibus, qui verum revelatum teneant per fidem, et verum naturale querant per rationem.*

Hoc ipsum edicitur verbis summi Pontificis (litt. ad Archiepiscop. Monach. 11. Dec. 1862.). « Numquam non solum philosopho, verum etiam philosophiae libet aut aliquid contrarium dicere iis, quae divina revelatio et Ecclesia docet, aut aliquid ex eisdem in dubium vocare, propterea quod non intelligit, aut iudicium non suscipere, quod Ecclesiae auctoritas de aliqua philosophiae conclusione, quae hucusque libera erat, proferre constituit. Accedit etiam, ut idem auctor (Frohschammer) philosophiae libertatem seu potius effrenatam licentiam tam acriter, tam temere propugnet, ut minime vereatur asserere, Ecclesiam non solum non debere in philosophiam umquam animadvertere, verum etiam debere ipsius philosophiae tolerare errores, eique relinquere, ut ipsa se corrigat (1); ex quo venit, ut philosophi hanc philosophiae libertatem necessario participant, atque ita etiam ipsi ab omni lege solvantur... Ecclesia ex potestate sibi a divino suo Auctore commissa non solum ius, sed officium praesertim habet non tolerandi sed proscribendi ac dammandi omnes errores, si ita fidei integratas et animarum salus postulaverint, et omni philosopho qui Ecclesiae filius esse velit, ac etiam philosophiae officium incumbit, nihil umquam dicere contra ea, quae Ecclesia docet, et ea retractare, de quibus eos Ecclesia monuerit. Sententiam autem quae contrarium docet, omnino erroneam et ipsi fidei Ecclesiac eiusque auctoritati vel maxime iniuriosam esse edicimus et declaramus. »

(1) Vides profecto, non de *philosophia obiectiva spectata*, in qua nulli sunt nec esse possunt errores, ut evidens est et paulo ante ex s. Thoma a nobis dictum, sed de *philosophia ut subiective excolitur et in mente philosophorum suscipitur*, apud istum auctorem ac profinde etiam in eiusdem doctrinae condemnatione sermonem esse.

Corollarium. Sicut dantur veritates revelatae tamquam principia, secundum quae doctrinae ac propositiones eis oppositae, quae in scientiis naturalibus statuantur vel deducantur, iudicari possunt et ab Ecclesia authenticae ac infallibiliter iudicantur; ita nihil impedit, quominus fideles etiam privati qui a scientia satis parati sint, de huiusmodi propositionibus etiam ante formale iudicium Ecclesiae scientificae et theologie iudicent secundum principia fidei. Huiusmodi iudicia theologiae vel certa sunt vel solum probabilia, prout certo vel solum probabili ratione cognoscuntur haec tria: verus sensus principii revelati secundum quod iudicatur; verus sensus doctrinae quae iudicatur; realis et non solum apprensus oppositio inter haec duo. Quando haec tria, ut frequenter facillimum est, vera certitudine cognoscuntur, cui numquam potest subesse falsum (supra n. 3.), profecto etiam ante directum et formale iudicium Ecclesiae obligatio est doctrinas ita repugnantes veritati fidei iam sufficienter dispositae habendi non ut legitimas deductions scientiae sed omnino ut falsas, licet ex ipsis principiis scientiae forte nondum liqueat, ubi et quomodo sit erratum: « quidquid... his nostris litteris i.e. catholicae fidei contrarium protulerint, aut aliqua etiam facultate ostendamus (ex ipsa scientia) aut nulla dubitatione credamus (ex solis principiis fidei) esse falsissimum. » Quod itaque Güntherus suadet (Euryst. et Heracles p. 251.), ut in hypothesi huiusmodi oppositionis inter fidem et scientiam, quemadmodum loquuntur, h. e. inter veritatem fidei et errorem in systemate scientifico, iudicium suspendatur sperando profectum scientiae, idem est ac suadere dubium in fide ac proinde saltem virtualem defctionem a fide; quando nempe illa tria, de quibus diximus, certo cognoscuntur. Tum enim suspensio iudicii non potest sine crimine admitti quoad veritatem principii revelati et falsitatem doctrinae oppositae, sed solum quoad rationes cur et quomodo sit oppositio, quarum elucidatio ex profectu scientiae (ut historiae scientiarum ostendit) merito speratur.

At vero quamdui illa tria quae diximus, clara non sunt, caute omnino in rebus huiusmodi obscuris et difficilibus

procedendum est, ne temere affirmando sensum aliquem in verbo Dei, qui forte nec sensus revelationis nec in se verus est, oppositiones configamus velut inter fidem et errorem in scientia, ubi revera non inter fidem et doctrinam indicandam est oppositio, sed fortasse inter nostram falsam opinionem et inter veritatem scientificam. De his sapientissime et gravissime monet s. Augustinus Gen. ad litt. I. n. 37. sqq. « In rebus obscuris atque a nostris oculis remotissimis si qua inde scripta etiam divina legerimus, quae possint salva fide que imbuimur (salva praedicatione ecclesiastica et intellectu catholico), alias atque alias parere sententias, in nullam earum nos praecepiti affirmatione ita proponamus, ut si forte diligentius discussa veritas eam recte labefactaverit, corruamus; non pro sententia divinarum Scripturarum sed pro nostra ita dicimant, ut eam velimus Scripturarum esse quae nostra est, cum potius eam quae Scripturarum est, nostram esse velle debeamus. » Ponit deinde exempla ex rebus physicis. Géneses I. sermo est de creatione lucis, de die ac nocte ante creationem firmamentum et solis; quaeritur ergo, utrum lux corporalis creata dicatur in Scripturis ita, ut antequam sol et firmamentum existiret, dies ac noctes sibi succederent, an potius ibi agatur de luce et creaturis spiritualibus? Audi responsione cautissimas ad hanc et huic similes quaestiones. « Esse spiritalem lucem in creatura spirituali fides nostra non dubitat (hoc nempe ex fide certo constat); esse autem lucem corporalem coelestem, aut etiam supra coelum vel ante coelum, cui succedere nox potuerit, tamdiu non est contra fidem, donec veritate certissima refellatur (1). Quod si factum fuerit, non hoc habebat divina Scriptura, sed hoc senserat humana ignorantia. Si autem hoc verum esse certa ratio demonstraverit, adhuc incertum erit, utrum hoc in illis verbis sanctorum librorum scriptor sentire voluerit, an aliud aliquid non minus verum... Plerumque accidit, ut aliquid de terra, de coelo, de ceteris mundi huius elementis, de motu

(1) Nimis si veritate certissima demonstretur esse falsum, contra fidem erit asserere id, quod falsum cognoscitur, dictum esse in divina Scriptura.

et conversione vel etiam magnitudine et intervallis siderum, de certis defectibus solis ac lunae, de circuitibus annorum et temporum, de naturis animalium... atque huiusmodi ceteris etiam non Christianus ita noverit, ut certissima ratione vel experientia teneat. Turpe est autem nimis et perniciosum am maxime cavendum, ut Christianum de his rebus quasi secundum christianas litteras loquentem ita delirare quilibet infidelis audiat, ut quemadmodum dicitur, toto coelo errare conspiciens risum tenere vix possit... Quid enim molestiae tristitiaque ingerant prudentibus fratribus temerarii praesumptores, satis dici non potest, cum si quando de prava et falsa opinione sua reprehendi et convinci cooperant ab eis, qui nostrorum librorum auctoritate non tenentur, ad defendendum id quod levissima temeritate et apertissima falsitate dixerunt, eosdem libros sanctos, unde id probent, proferre conantur... non intelligentes neque quae loquantur, neque de quibus affirment. » Haec certe monita prae oculis habuerunt prudentes illi theologi, de quibus diximus in Tract. de Traditione (p. 150. 151. in nota).

II. *De usu ac subordinatione scientiarum in ipsa explicazione doctrinac fidei.*

1. Aliud est loqui de relatione ac subordinatione *rationis ad fidem*, et aliud loqui de usu ac subordinatione *scientiarum in explicazione doctrinac fidei*, seu *in sacra theologia*. De priori in tota hac tractatione satis diximus. « Credere non possemus, nisi rationales animas haberemus. » Ratio enim ipsa, seu anima quatenus rationalis est, elevata et confortata per gratiam credit veritates revelatas propter auctoritatem Dei revelantium. Unde fide explicita, quae sit virtus et fides divina, credere nemo potest, quin haec tria cognoscat: a) infallibilem veritatem Dei; b) factum revelationis divinae; c) quae sint veritates revelatae, eoque ipso quis sit sensus veritatis credendae. Aliqua nempe analogica et saltem confusa notitia sensus verbi Dei necessario requiritur ad explicitam fidem; neque enim sonus verbo-

rum, sed sensus proponitur credendus (1). Verum ut fides eiusque firmitas sit, *sicut oportet*, supernaturalis nempe ac proportionata tum fini tum obiecto formalis, necessaria est voluntatis et intellectus elevatio per gratiam. Rationis igitur usus fidem (actualem) praecedit, et ad eam hominem ope revelationis et gratiae conducit (Propos. 3. s. Congreg. Indic. 1855.).

Iam vero harum rerum cognitio, quantum opus est ad simplicem fidem, qua fiunt Christiani, in oeconomia a Christo instituta per se non praesupponit nec postulat naturalem mentis culturam per scientias humanas. Sicut enim praedicatio apostolica non est « in persuasibilibus humanae sapientiae verbis, sed in ostensione spiritus et virtutis » (δύναμεσι); ita et « fides non est in sapientia hominum, sed in virtute Dei » (1. Cor. II. 4. 5. (Confer supra cap. V. §. II.).

Attamen triplex illa cognitio quae iam ipsam fidem comitatur et in fide explicita includitur, potest et ad explicationem ac defensionem ipsius revelationis debet in Ecclesia Dei excoli ad distinctiorem et ampliorem *scientiam fidei*, quae est *sacra theologia* (vide Tract. de Deo Prolegomen. §§. II. III.). Haec scientia tum secundum *obiectum formale* tum secundum *obiectum materiale* fidem supponit eique tota innititur, quoniam omnes veritates considerant, quatenus a Deo nobis revelatae sunt aut cum revelatis connectuntur, nec nisi sub hac ratione est *scientia proprii nominis et theologia sacra* (Tract. de Deo l. e. §. I.). Sicut vero fides ipsa (actualis) sine usu rationis et sine triplici illa, de qua diximus, partim praembula partim fundamentali cognitione esse non potest; ita mens humana ad excolandam *scientiam sacram* indiget subsidio multiplicium scientiarum naturalium et rationalium (cf. de Tradit. th. XXV. n. II.). Potest igitur doctrina revelata seu, ut s. Thomas loqui solet, doctrina sacra spectari tripliciter:

(1) « Ne patemus quasi consecratis sonis ita muniri veritatem, tamquam Deus nobis quemadmodum ipsam rem, sic verba quae propter illam sunt dicenda, commendet » s. Aug. de consens. evangel. I. II. c. 66; s. Hieron. in Gal. I. 11. 12. (T. VII. p. 386). Cf. August. in Ps. 118. serm. 18. n. 3.

objective et in ratione veri revelati; quatenus *fide creditur*; quatenus *fides querit intellectum*. Primo et secundo modo si spectetur, non requiratur, tertio modo requiritur subdium scientiarum naturalium. Licit enim vera revelata in se ipsis sint maxime intelligibilia, nobis tamen intelligibilia non sunt nisi secundum modum nostrum. Hoc ipsum est, quod ait s. Thomas I. q. 1. a. 5. ad. 2. « Haec scientia accipere potest aliquid a philosophicis disciplinis, non quod ex necessitate eius indigat, sed ad maiorem manifestationem eorum, quae in hac scientia traduntur. Non enim accipit sua principia ab aliis scientiis, sed immediate a Deo per revelationem. Et ideo non accipit ab aliis scientiis tamquam a superioribus, sed utitur eis tamquam inferioribus et ancillis; sicut architectonicae utuntur subministrantibus, et civilis militari. Et hoc ipsum quod sic utitur eis, non est propter defectum vel insufficientiam eius (*objective spectatae*), sed propter defectum intellectus nostri, qui ex his, quae per naturalem rationem, ex qua procedunt aliae scientiae, cognoscuntur, facilius manuducitur in ea, quae sunt supra rationem, quae in hac scientia traduntur » (1).

(1) Non dicit Angelicus, quod Dr. Kuhn (Introduct in Dogmatic. p. 268-282.) ei attribuit, ipsam scientiam speculativam theologiae esse

immediate a Deo infusam, et ideo non egere subsidio philosophiae; sed potius dicit contrarium.

quae praesupponit in sua supernaturali certitudine ac firmitate; sed fides quaerit intellectum.

a) Illa « amplior manifestatio » considerari potest in cognitione facti revelationis, ac proinde motivorum creditibilitatis in tota historia supernaturalis providentiae ac revelationum Dei; pariterque in cognitione modi, quo revealatum Dei verbum ad nos pervenit ac perpetuo internum conservatur (in Scriptura ac Traditione per ministerium Ecclesiae divinitus institutae); ac proinde in cognitione fundamentorum, fontium, et regularum fidei, ex quorum omnium scientifica demonstratione constituitur *theologia apologetica*.

b) Spectanda est « amplior manifestatio » per intellectio-
nem et demonstrationem, *quaē veritates* sive theoreticae
sive practicae et *quomodo* continetur in verbo Dei, prout
in Scriptura ac Traditione conservatur et ab Ecclesia pro-
ponitur. Scientia haec, *quid et quomodo* in verbo Dei con-
tineatur, est *theologia dogmatica (et moralis)*, *quaē dici*
solet positiva.

c) Porro « amplior manifestatio » dogmatum secundum intimam eorum rationem (quantum intellectus fidei illustra-
tus per speculum et in aenigmate cognoscere potest), per-
ficitur per *theologiam speculativam*. Potest enim intellectus fidei illustratus etiam superrationalia per notiones ratio-
nales analogice, seu (ut s. Thomas loquitur) secundum similitudinem cognoscere, *quid sint*; eorum mutuum nexus,
unius veritatis ab altera consecutionem, unius cum altera
convenientiam, atque aliquam cum ipsis veritatibus rationalibus congruentiam perspicere. « Ratio manudacta per fidem crescit in hoc, ut ipsa credibilia plenius comprehendat; et tunc ipsa quodammodo intelligit, unde dicitur Is. VII. 9.
secundum aliam litteram (LXX): nisi credideritis, non in-
telligetis. » S. Th. prolog. ad II. sentent. q. 1. a. 3. sol. 3.

d) Cum his omnibus denique cohaeret, et in eis includitur *theologia polemica* ad defensionem doctrinae revelatae adversus errores contrarios, sive ii versentur circa ipsos fontes doctrinae ex perversione fundamentorum fidei, sive circa singula dogmata ex falsa interpretatione verbi

Dei, sive circa verum intellectum eorundem ex abuso philosophiae.

Iam ad haec omnia rite praestanda non modo opportu-
num sed intra certos limites omnino necessarium subsidium
repeti ex omnibus fere scientiis naturalibus et rationalibus
per se evidens est. Critica, philologia, hermeneutica, sci-
entiae historicae, maxime vero sana philosophia ubique fere
in usum veniunt (1); quod si in prioribus illis defectus pro-
priae scientiae a theologo aliquatenus mentalibus oculis
aliorum eruditorum potest suppleri, in philosophia non potest.

3. Quoniam veritates credendas non ab his rationalibus
scientiis desumuntur, sed immediate a Deo manifestantur;
scientiae autem se habent velut subsidia ac instrumenta ad
distinctiorem aliquam intelligentiam earumdem veritatum,
ideo theologia « non accipit ab aliis scientiis tamquam a
superioribus, sed utitur eis tamquam inferioribus et ancil-
lis » (2). Scientiarum subordinatio sub fidem in earum ap-

(1) Etiam philosophia et longinquo ($\piολλοθιν$) opem fert assecu-
tioni veritatis variis notionibus tendens ad nostram scientiam (christianam),
quaē proxime ($\piοστοις$) apprehendit veritatem; sed opem fert
ei, qui studet ratione apprehendere sapientiam ($\lambdaγκης; \alphaνθρωπος;$
 $\gammaντες$)... A Deo enim docti sumus, qui litteras vere saceras a Filio Dei
didicimus.. Si propter litigiosos distinctius loquendum est, dicimus phi-
losophiam, ut quaē in indaganda veritate versatur, esse concansam et
adintrem comprehendendae veritatis, ac fatebimur eam esse discipli-
nam praevia hominis gnostici (theologi) προτιμεσα τοι γνωσιν...
non ita tamen, ac si sine philosophia esse non posset nostra veritatis
apprehensio (per fidem), cum vix non omnes sine cyclo disciplinarum et
sine philosophia graeca, aliqui etiam sine litteris omnino... suscep-
imus fidem doctrinam de Deo, erudit sapientia per se effaci ($\piντουρη$
 $\sigmaορις πεπεριφερεια$)... Est quidem per se perfecta et nullius indiga Salvato-
ris doctrina, cum sit Dei virtus et sapientia. Accedens autem graeca
philosophia non veritatem facit potentiem, sed debilem adversus ve-
ritatem insidiis dicta est vineas aptas sepes ac vallum « $\piρρης οχυρος$
και θρηνος τοι απολληνος» Clem. Alex. Strom. I. p. 318. 319.

(2) De re ipsa, quomodo naturales scientiae sint ancillae theologiae,
agimus tote hoc capite; nomen vero ac modum loquendi scholastici
mutuati sunt ex Patribus, qui Sarum dominam et Agar ancillam dicunt
allegoriam esse relationis inter theologiam et philosophiam. Clem. Alex.
strom. I. p. 2. 84; Gregor. Naz. (vel Amphilocheus) carm. 8. ad Seleuc.

plicatione ad theologiam duplice spectari debet, *finaliter* tamquam mediorum ad finem superiorum, et *formaliter* in ratione scientiae dirigendae a fide tamquam norma.

a) Sicut inter omnia entia subordinatio est pro fine inferiore vel superiore, ad quem singula ex sua natura dirigitur; ita et in ordine cognitionis inter scientias, quae obiectum aliquo modo commune habent, hierarchia quedam est et subiectio unius ad alteram, prout finem immediatam habent inferiorem vel superiorum. Ex hoc principio s. Thomas id, quod dicimus de subordinatione scientiarum ad theologiam fidei, ita declarat. « Omnes qui recte senserunt, posuerunt finem humanae vitae Dei contemplationem. Contemplatio autem Dei est duplice, una per creaturas quae imperfecta est (quia procedit ex effectibus non proportionatis ad cognitionem causae, ut in se est), in qua contemplatione philosophus (Ethic. X. 9.) felicitatem contemplativam posuit, quae tamen est felicitas viae; et ad hanc ordinatur tota cognitione philosophica, quae ex rationibus creaturarum procedit. Est alia Dei contemplatio, qua videtur immediate per suam essentiam; et haec perfecta est, quae erit in patria, et est homini possibilis secundum fidem suppositionem. Unde oportet, ut ea quae sunt ad finem, proportionentur fini, quatenus homo manuducatur ad illam contemplationem (in patria) in statu viae per cognitionem non a creaturis sumptam, sed immediate ex divino lumine inspiratam (obiective per revelationem, subiective per fidem supernaturalem), et haec est doctrina theologiae. Ex hoc possumus habere duas conclusiones: una est, quod ista scientia (fidei) imperat omnibus aliis scientiis tamquam principialis; alia est, quod ipsa utitur in obsequium sui omnibus aliis scientiis quasi vassallis (1); sicut patet in omnibus artibus ordinatis, al. carm. 125. v. 240. sqq.; Hieronym. ep. 70. al. 84. n. 2. ad Magnum; Damaseen, dialectic. c. 1. T. I. p. 8. cf. Philo de congressu eruditiorum quaerendae causa p. 340. ed. 1613.

(1) Nostra actate ex perversione finis hominis consequuta est necessario etiam inversio ordinis inter scientias. Primum locum obtinet illas, quae circa materiam versantur. Istae tamquam norma imperant omnibus aliis scientiis, ipsis etiam philosophiae, omnesque alias in servitatem mancipare conantur.

quarum finis unius est sub fine alterius, sicut finis pigmentariae artis, qui est confectio medicinarum, ordinatae ad finem medicae, qui est sanitas; unde medicus imperat pigmentario, et utitur pigmentis ab ipso factis ad finem suum. Ita cum finis totius philosophiae sit infra finem theologiae et ordinatus ad ipsum, theologia debet omnibus aliis scientiis imperare (cf. §. I. huius capituli), et uti his, quae in eis traduntur » (1) S. Th. in I. sent. prolog. a. 1.

b) In inquisitione et scientia theologiae, ut dictum est (n. 2.), tamquam fundatum supponit fides eiusque supernaturalis firmitas, ac proinde etiam supponit supernaturalis cognitionis iam inclusa in ipsa fide, tum nempe Dei revelantis seu existentiae revelationis divinae, tum sensus veritatum revelatarum, in quo ab Ecclesia catholica proponuntur. Haec cognitione ante omnem inquisitionem scientificam eandem certitudinem ac firmitatem supernaturalis habet sicut ipsa fides, quacum complicita est. Sicut ergo in scientiis naturalibus et rationalibus praeverit cognitio principiorum et veritatum quarundam, quae per scientiam subsequentem intelligi quidem distinctius et explicari amplius, numquam autem labefactari possunt, sed imo sunt norma totius scientiae subsequentis adeo, ut haec illis innitatur, et quidquid illis adversatur, verum esse nequeat; simili omnino ratione fides atque in ea inclusa cognitionis veritatum praecedit scientiam theologicam, atque illae ipsae veritates per fidem supernaturali firmitate apprehensae ac creditae principia sunt, quibus innititur et quibus tamquam normis regitur tota scientia theologiae (2). « Haec scientia

(1) « Κανεμάδομον λιβεραλες δισκίπλιναι τα ἐγκυρωτα μαθηματα εἰσινεργηται φιλοσοφιαι, οιας εστιν ipsarum domina; ητα ετιαν ipsa φιλοσοφια εισεργηται παραδομη σαπientiam (theologicam)... Est enim sapientia domina philosophiae, sicut haec domina est propaedeuticarum disciplinarum = (της προπονησις) Clem. Alex. Strom. I. p. 284. cf. Orig. ep. ad Gregor. n. 5. T. I. p. 20; Gregor. Naz. (vel Amphiliophilus) ad Solem. carm. 8. v. 240. sqq.

(2) « Fides est comprehendens eorum, quae necessaria sunt, cognitione sapientiae (γνωστης) autem est firma et stabilis demonstratio eorum, quae per fidem assumpta sunt: sapientia per doctrinam Domini super fidem aedificatur » (τη γνωστης δια της κυριακης διδασκαλιας εποιουδομουσην την

accipit sua principia immediate a Deo per revelationem. » Hinc ea quae tractantur in aliis scientiis, non sunt principia ac normae, quibus accommodentur veritates fidei; sed tamquam subsidium assumuntur ad illas in eo sensu, quo ab Ecclesia proponuntur, distinctius intellectu nostro apprehendendas et copiosius defendendas. Propterea ille ipse sensus dogmatum fidei apprehensus et creditus in applicatione eorum, quae ex aliis scientiis assumuntur ad theologiam, praelucet tamquam « stella directrix », ut ad intelligentiam ac probationem illius sensus accommodentur, et ubi opus est, secundum illum expllicant aut etiam corriganter (cf. de Tradit. th. XXV. n. III.).

Sicut igitur intellectus « ope revelationis et gratiae ad fidem conductus » (Propos. s. Congreg. Indic. 1840, 1855); ita fides quaerit intellectum. Quia quidem rationis per revelationem, scientiae per fidem velut consecratione regitur et sustentatur sacra doctrina seu theologia, quam ss. Patres et catholici doctores tum verbis tum multo magis exemplo suo commendarunt, et ad magnum Ecclesiae fructum toti fidei ac sapientiae monumentis illustrarunt. Quomodo haec intelligentia quaerenda sit, s. Augustinus prudentissime monet tota epistola 120. ad Consentium, quae potest dici tractatus de relatione fidei ac scientiae theologicae. « Absit ut ideo credamus, ne rationem accipiamus sive quaeramus; cum etiam credere non possemus, nisi ratio-

(sic) Clem. Alex. Strom. VII. p. 732. cf. p. 757. « Sapientia fidelis, et fides sapiens est divina quadam consecratione mutua » πάσῃ τοιν δὲ γνωστή ἔσται οὐ πάσῃ; θεραπεύοντες τινὲς ἀπόκλησθεντες γνωστοί. Id. Strom. II. p. 365. cf. Anonym. in Ps. 115. n. 1. (inter Opp. s. Basillii T. I. p. 471.). « Quamvis nisi aliquid intelligat, nemo possit credere in Deum (vide supra cap. III. §. I.), tamen ipsa fide qua credit, sanatur, ut intelligat ampliora. Alia sunt enim (praeconspicita et praesupposita ante fidem), quae nisi intelligamus, non credimus; et alia sunt, quae nisi credamus, non intelligimus.... Nisi essent aliqua, quae intelligere non possumus, nisi ante credamus, propheta non diceret: nisi credideritis, non intelligetis (Is. VII. 9. LXX.). Proficit ergo noster intellectus ad intelligenda quae credit, et fides proficit ad credenda quae intelligat; et eadem ipsa ut magis magisque intelligentur, in ipso intellectu proficit mens. Sed hoc non fit propriis tamquam naturalibus viribus, sed Deo invante atque donante » August. in Ps. 118. serm. 18. n. 3.

nales animas haberemus. Ut ergo in quibusdam rebus ad doctrinam salutarem pertinentibus quas ratione nondum percipere valemus, sed aliquando valebimus, fides praecedat rationem, qua cor mandetur, ut magnae rationis capiat et perferat lucem, hoc utique rationis est. Et ideo rationabiliter dictum est per prophetam: nisi credideritis, non intelligetis (Is. VII. 9. LXX.). Si autem iam fidelis rationem poscat, ut quod credit, intelligat, capacitas eius intuenda est, ut secundum eam ratione redditum sumat fidei suae quantum potest, intelligentiam; maiorem, si plus caput, minorem, si minus; dum tamen quonque ad plenitudinem cognitionis perfectionemque (in visione beata) perveniat, ab itinere fidei non recedat... Iam ergo si fideles sumus, ad fidei viam pervenimus, quam si non dimiserimus, non solum ad tantam intelligentiam rerum incorporearum et incommutabilium, quanta in hac vita capi non ab omnibus potest, verum etiam ad summitatem contemplationis, quam dicit Apostolus facie ad faciem, sine dubitatione perveniemus.. Haec dixerim, ut fidem tuam ad amorem intelligentiae cohorter, ad quam ratio vera perducit, et cui fides animum praeparat » August. I. c. n. 3-6. De hac eadem subiectione rationis ad primam veritatem revelantem ac revealatam, scientiae ad fidem loquitur s. Anselmus paucis multa complectens. « Non tento Domini penetrare altitudinem tuam, quia nullatenus comparo illi intellectum meum; sed desidero aliquatenus intelligere veritatem tuam, quam credit et amat cor meum. Neque enim quaero intelligere, ut credam; sed credo, ut intelligam; nam et hoc credo, quia nisi credidero, non intelligam » Anselm. Proslog. c. 1. Hoc modo sacrum Concilium Vaticanum cap. 4. Constit. de Fide, cui tota haec nostra exposicio innititur, desiderat ac verbis Vincentii Lirinensis (Common. n. 28.) filii Ecclesiae commendat, ut « crescat et multum vehementerque proficiat tam singulorum quam omnium, tam unius hominis quam totius Ecclesiae, aetatum ac saeculorum gradibus, intelligentia, scientia, sapientia; sed in suo dumtaxat genere, in eodem scilicet dogmate, eodem sensu, eademque sententia. »